

Vir Reverende & Clariss.

127

Tabula Isiaca, de qua quæris, eadem omnino est, quæ Bembi Cardinalis primum, dein Ducis Mantuani olim fuit, & ab Aenea Vico Parmensi 1559 edita, a te recusa, & Oedipo Aegyptiaco infecta est, de qua bene meminisse te scripsisse, & in hunc usq; diem, quid eâ factum sit, sciri non potuerit, postquam in Mantuæ direptione evanuit. Optime conservata est, ut singulæ figuræ ^{æque} integræ conspiciantur, atq; in Vici exemplo, sed marginem occupantibus ad rector angulos deorsum reflexis. Delituerat ea hactenus inter aulae reiecula, ærugine & squalore obducta, protracta in lucem a Bartolomæo Tozino Medico & Mathematico, Juvene ingeniosissimo, qui mihi in Bibliotheca Ducis eam monstravit, a se paulo ante repurgatam, & agnitam sub primum, ni fallor, ver hujus anni. Mensa parallelepipedi figuram habet, longior est, quam latior. Musivo opere lamellas candore suo argentum æmulantes & æri commistas representat.

Haber hic, Vir Rever., quibus Oedipum tuum augere poteris. Quod si accuratorem descriptionem desideras, Cl. Tozinius facile tibi submittet. Ego vehementer gaudeo, me primum fuisse, q; tibi hoc indicaverit.

Ficus Sardinia Febrifera an videatur, oblitus es significare. Ego denuo insto, & simul, utrum T. Livii Barattinus aliqd ediderit, & an adhuc vivat, scire cupio; item, an figuræ illæ Brachmanum, quas Tomo 3 Oed. Aeg. exhibes, ex Ducis Casii Codice omnes excerptæ sint, an v. inter eas Patri Antonio Cerchio quædam debeant, & quamnam, ut singular queam distinguere? Si Servieri Museum Lugduni non vidisti, quæ præcipua ibi observaverim, tecum communicabo. Vale Vir Rev. & Clariss., & me amare perge. Ex Thermis Balerucanis prope Montpelium.
22 Sept. 1664.

Comes itineris officiosissimam salutem tibi remittit.

Tuus omni cultu

Martinus Fogelius.

220 20

Al molto Reverendo Padre
ATANASIO KIRCHERO

francese

a

Roma
nel Collegio Romano

